

5

Hieronymus Brmschwig:

(Apothek für den
Pneumonia man)

15 29

Dv 933

VD 16, B 8683

UNIVERSITÄTSBIBLIOTHEK
- Medicinisches Abt. -
DÜSSELDORF

V 1487

Vorred.

E ist öffentlich am tage/vñ sonder zweiffel vielen/ aus teglicher erfahrung yhres leibs schwachheit/wolbewust/das vn- ter allen löblichen künsten vnd manchfaltigen gaben Gottes (da mit die gantze welt reichlich vber schüttet) die edele / subtile Ertzney kunst / nehest dem grossen tewren geschencck heiliger schrift vnd Göttlichs worts/das köstlichste/nütze- ste/vnd nö- tigste ding ist/so auff erden yhe gekommen odder noch komen wird. Denn gleich wie das werde heylsame Gottes wort/ darümb ynn die gantze welt gegeben vnd ausgebreytet ist / das es durch mitwirkung des heiligen geistes/ die blöden/ erschreckten/zitterende hertzen vnd gewissen/freunt- lichen tröste/auffrichte vnd zu friden stelle / Die Francken/schwachen seelen/für dem ewigen todt/ für dem seyntseligen leydigen Teuffel/für der hel- lischen peyn gewaltiglichen beschütze vnd gnedig- lichen errette.

Also ist auch die löbliche kunst der Ertzney von Gott dem Vater / aus grosser sonderlicher gnad/ aus vn aussprechlicher lieb vnd freuntlichem vey- terlichem willen / ynn die gantze welt / nicht allein den menschen / sondern auch allem was da lebe zu gut/nutz vnd fromen vberreicht/ geschencckt/ vnd gegeben/damit aller menschen/vnd auch der

A ij thyren

Vorrhed.

eyren gesuntheit vnd zeytlich leben erhalten wür-
de/ vnd yhn von allen zufelligen Franckheiten ges-
holffen vnd geraten.

Als weit aber als gesunder leib / all andere
gütter auff erden/Reichtumb/golt/silber/sampt
allem pracht vnd herrlickeit der gantzen welt vber/
trit/ köstlicher/ nötiger vnd nützer ist/ So viel ist
auch die subtile edele kunst der löblichen Ertzney
(dadurch des leibs gesuntheit erhalten/vnd alle
franckheit geheylet werden) weit weit vber alle
ander künst/gütter vnd gaben. Denn lieber Gott
was hilffets doch/so du der gantzen welt güter/
sampt all yhrem pracht vnd herrlickeit eröberst/
vnd bist gleichwol dabey franck/siech vnd vnges-
fund? Es ist billich zuerbarmē/das die edele Ertz-
neykunst/sampt yhren erfarnen Meistern vñ hoch
gelerten / wolberümbten Doctoribus/ so etwan
bey den Heyden vor Götter geacht/itzt zurzeit von
vielen so gar gering gehalten wird.

Aber was ist/s das man viel da von schreibt/
singt odder sagt? Es gehet gleich mit der Ertzney/
kunst zu/wie mit allen andern Gottes gaben vnd
künsten. Ich halt / das von anbegyn der welt alle
künste vnd gaben Gottes/noch nie schmelicher ge-
halten seyen vnd verechter gelegen/denn eben itzt
zu vnsern zeiten/Vnd ist gewis/das Gott die welt
ymb solchen grossen vndanck vngestraft nicht las-
sen wird.

Man findet itzt viel reiche leut/ vnd die gut
Euangelisch.

Vorrede.

Euangelisch sein wollen / so sie mit Franckheiten
vberfallen / vnd ynn yhres lebens ferlickeit komē /
wenn sie von den seelsorgern vnd geistlichen Pre-
laten / die ertzte zuersuchen / ermanet werden / sa-
gen sie / aus yhrer guten Euangelischer meynung
(wie sie sich düncken lassen .) Mein Gott wird
mich wol on ertzney gesundt machen / ia er wirts
thun werden / hyntersich meyn ich aber / wie die
bawern die spies tragen . Kanstu die Ertzney
samt yhren verstendigen vnd erfarnen Meistern /
das mittel / dadurch dir Gott helfen wil / veracht-
ten / auff das dein Mammon das scheidich an-
mechtich gut beyinander bleib / So kan dich auch
der Mammon / der dein Gott ist / yns Teuffels na-
men sterben lassen .

Vngesehen solche verachtung vnd grosse
vndanckbarkeit der welt . Dieweil hie gegen auch
etliche frome erbare leut sind / die / die löbliche
kunst der Ertzney / samt yhren erfarnen Mei-
stern vnd hochgelerten Doctoribus ynn allen eh-
ren vnd wurden gros achten vnd halten / Welcher
eins teils gern gut vnd gelt daran wagten / wenn
sie mit schwachheit beladen / das yhn geholffen
würde / Doch fernheit halben die Apotecken vnd
Ertzte nicht erlangen mügen . Eins teils auch
armut halben die selbigen zu ersuchen nicht vermö-
gen . Hab ichs fur gut vnd billich geacht / das die
zwey büchlein / Eins des hochberümbten vnd wol
erfarnen Meister Hieronymi Brunschwicz von
A. iij. vielen

Vorrede.

vielen guten bewertē stücken der Ertzney für man-
cherley gebrechen vnd Franckheiten. Das ander
des erfahren / wolberühmbten vnd hochgelerten
Doctor Michaels Schrick / von rechtem brauch
vnd nutz der gebranten vnd distilirten wasser / ynn
ein buch durch den druck gebracht würden / auff
das es were / ein Apotecte des armen gemeynen
mans / wenn er mit Franckheit beladen wird.

Bitt freuntlich alle / den das büchlein
vorkümpft / sie wöllens vleissig le-
sen / so werden sie gnugsam
befinden / das solchs
dem gemeynen
man zu
nutz
vnd gut
hertzlicher mey-
nung geschehen ist.

Folget das Erste Büchlein.

ertzney stücken.

II

Zu der verwundten hirnshalen.

Bibinel/ so du den safft dauon bringest / vnd ob du wind werest / bis ynn die hirnshalen / vnd du treyffest solchen safft dareyn / wie man ynn die wunden pflegt zu thun / es heylet bald zu / Desgleichen heylet die offene geschweer / dareyn es getreyfft wird mit einem feuchten tüchlein / auch andere scheden / so sie sanfft damit geweicht vnd ein schlecht pflaster / odder des selben krauts / ein blat darauff gebunden / es heylet. Vnd das es war sey / so stich ym hannen die hirnshalen auff / doch nicht gar durch / vnd treyffe denn solchs obgenanten safftes / von Bibinel kraut / dem hannen ynn die hirnshaln / ein mal oder zwey / so heylet sie widder zu.

Fur dunckele augen.

Nim den safft von schelkraut / vnd wenn du schlaffen gehest / so thue yhn ynn die augen / machet sie aus der massen klar.

Fur die fehl ynn den augen.

Brenne wasser von kirschen blüt / vnd behalt das ynn einem glas / vnd wo einer wasser fehl ynn den augen hat / die vertreibt es / so mans darein mit einem reynen tüchlein treuffet / Auch ist es gut fur die blutfehl / vnd fur alle röte vnd zehet der augen / so mans darein thut zwey odder drey mal.

Fur hitzige augen.

Seude fenichel mit dem kraut / vnd so du das kraut nicht haben magst / so nym den samen vnd seude den mit brunwasser auff / vnd trinck des ein tag ein glas vol / so vergehet die vnaturliche hitze / vñ macht ein gut gesicht.

Fur das rynnen odder triessen der augen.

B

Nim trucken

Von guten

Nym trucken reblaub/attich kraut/honig / gleich mit
einander wol vermischet vnd gestossen den safft dauon
durch ein tuch getrückt / vnd die augen damit bestrichen/
macht sie schön vnd trucken.

Fur die Milwen ym har.

Zwache dich schön mit laugen/wie gewonheit ist/vnd
las dir das har ein wenig ebnen mit einem scherlein / vnd
wenn das har trucken wird/so nym denn baumöl vnd nus
öl gleich als viel / vnd schmier das har damit / die Mil
wen vergehen/ehe du es zweymal gethwest.

Item nym wermut vnd seud die ym laugen vnd
zwach dir damit/die milwen gehen aus dem har/on schas
den.

Item nym salz ein gut teil/ so du dir zwachen wilt vnd
wurffs ym die laugen/die milwen vorgehen aus dem har/
vnd wird dir die schwart hert vnd fest.

Wer gern viel vnd dicke har will haben

Wiltu haben das dir viel har wechsset/vnd dick wer
de/ so seud Papeln wurzel ym laugen vnd zwach dir da
mit/vnd hab denn Papeln safft vnd bestreich das har da
mit/es wird wol wachssen/vnd wird dick dauon.

Wiltu gelb har machen.

Nym lange stengel/da die gelben blümlin anhangen/
die man nemet kertzgen / vnd nym die selben oben ab mit
den blumen/vnd derre sie an der sonnen/vnd thue denn da
uon ym ein tüchlin/vnd lege es ym die heissen laugen vnd
zwach dich damit / vnd trucke denn das tüchlin zu letz
ober das har ab/vnd trucken denn das har an der sonnen/
es wird schön vnd hübsch.

zu des

ertzney stücken

III

Zu der Nasen.

So dir die nasen blutet/ Nim verbranten leyden von
eyn offen odder sonst etwa von/ vnd lege den selben ynn
starcken essig/ mache ein kott odder teyglin dauon / vnd
streich die des ein wenig mit ein finger ynn die nasen/ es
vorstehet bald.

Item/ Nim reblaub vnd stos das vnd trücf den safft
durch ein tüchlin dauon/ vnd nym rosenöl vnd essig vnd
bleyweis/ gleicher miffchung/ vnd des ein tropffen gegos
sen ynn die nasen/ hüfft vnd reyniget sie.

Zu den oren.

Item/ so ein die orazel/ das ist ein kleines wärmlin/ oder
orholder genant / ynn ein ohr keme/ das ein menschen wol
töden mag / so nim sal armoniaci vnd zertreib das ynn
lautern wasser / das es daryn zergerhe/ vnd nim denn des
wassers/ vnd las ein tropffen ynn das ohr fallen/ so stirbe
die orazel dauon/ darnach gehet sie herfur / so zeucht man
sie denn mit einem gusenknopff heraus.

Zu dem Gehör.

Nim frawen milch/ die wer die best/ so ein fraw ynn
zweyen wochen eins Kindes genesen were/ vnd nim hirsch
wurzlen/ die wasch schön vnd stos es vnd trücf es durch
ein tuch mit der milch / vnd treuff es denn ynn die ohren
drey odder vier tropffen/ ein tag odder vier / so wird der
vbel gehört/ wol hören.

Geschwulst hinder den ohren.

Nim nesselbletter vnd saltz/ vnd stos die ynn einem
mörser/ vnd mach ein pflaster dauon/ vnd lege es vber die
geschwulst hinder den ohren/ es vergehet ihm/ er sey iung
odder alt.

B ij Zu dem

Von guten

Zu dem Mund.

Vor den stinckenden mund/ Nim rocken brod rinden/
galgen/ vnd neglin/ püluer das miteinander/ vnd brauchts/
so hilfft es.

Fur den stinckenden athem.

Welchem menschen der mund schmeckt von dem fe/
ber odder von einer krankheit/ der neme kalt born wasser/
vnd saltz das wol/ vnd yss warm rocken brod daraus / als
viel du magst drey tag nüchtern/ so wird der mund vß yn/
wendig heraus wol schmacken/ vnd wird lüftig zu essen.

Fur ein schweren athem.

Nim nesselwurtz vnd seud die ynn gutem alten wein/
yss vnd trinck dauon/ das ist gut so einer ein schweren kurt/
zen athem hat/ vnd vortreibt auch den husten.

Fur geschweer odder bletterlin ynn dem mund.

Welcher ein geschweer odder bletterlin ynn mund
hat/ der neme spizigen wegrich safft ynn den mund / vnd
halt yhn also daryn das heylet/ odder auch die bletter also
kewende/ das heylet die seer leichtlich.

Zu der Sprach.

Item/ dem die sprach gelegen ist/ das er nicht wol reden
kan / der neme reblaub safft / vnd thue den ynn essig/ vnd
trinck das/ die sprach kompt widder.

Welchem die sprach verstehet/ das er nicht wol re/
den mag/ der neme boleyn vnd sied den ynn gutem wein
odder essig/ vnd sol darnach dem vnsprechenden des was/
sers auff die zungen thun/ so wird er wol reden dauon.

Zu den zeeen.

Dem die zeeen weh thuen/ der neme gute ingwer zehen vnd
schneid

ertzney stücken. IIII

schneid die klein vnd seud die ynn wein/vnd wasch die zeen also warm vnd nüchter damit/es hilfft.

Fur die herten schüs der zeen/vnd der augen.

Nim pfeffer vnd weyrauch vnd gederte salbey/vnd mach es zu puluer/vnd nim denn das weisse eins eys/vnd mach daraus ein selblin/vnd leg es auff die wangen odder auff die stirn/das weret vnd vertreibt die schüs.

Fur zeen geschwern.

Wem die zeen weh thun/das yhm die kinbacken geschwollen sind/der sol Berthram erwallen lassen yn essig vñ des gesortē ynn den mund genomen also heys/vnd thu denn das daraus/vnd nim ein anders/vnd thue das ein mal odder vier.

Fur das geblüt des zansfleisches.

Welcher viel geblüt samlet ym zansfleisch/das gewöñlich schmeckent wird/der neme wegrich safft vnd wasche die zeen damit/das vertreibt das vbrige geblüt.

Zu weissen zeenen.

Nim weisse kising/vnd stosse die zu puluer/vnd behalt das/vnd nim denn ein spizigen feddertil/vnd stos den zwischen alle zeen/so werden sie bluten vnd geseubert vnd schwencf denn den mund mit wasser/vnd nim des gemachten puluers vnd reibe die zeene damit/yhe zu drey odder vier wochen ein mal/so werden sie weis/vnd gewinnest ein schönes zansfleisch/vnd ein reynen wolfsmasckenden mund.

Zu dem Angesicht.

Wer die schneblizen odder angel ynn dem angesicht hat/der neme linsat stengel vnd derre die/vnd stosse sie zu puluer/vnd nim denn rein hong/vnd temperir das vnter

B iij einander

Von guten

einander/ vnd bestreich das angesicht damit/ vnd wasche es mit eins knäblins harm allwege abe/ es vorgehet dir/ vnd macht ein klar angesicht.

Fur rot flecken ym angesicht.

Wiltu die rotten mal vertreiben ym angesicht/ die da sehen als halber auffatz/ so nim fenchel vnd stos yhn klein/ vnd nim den alt rein Bergin schmer/ vnd stos es noch ein wenig vntereinander/ vnd salb dem dein angesicht wol sanfft damit/ es vergehet dir/ vnd wirst wolgestat.

Ein hübsch angesicht zu machen.

Nim Bonen/ vnd lege yhr etwa viel ym starcken gutten essig/ vnd las sie dar yme ligen/ ein tag vnd ein nache bis das yhn die haut abgehet/ darnach so trücken sie an der sonnen/ zertreibe sie darnach/ odder zerpüluer sie/ vnd thue denn schön warm wasser daran/ das du dich damie wasschen magst/ vnd wenn du schlaffen wilt gehen/ so wasche das angesicht damit/ so ist es des morgens schön vnd hübsch.

Zu dem Hals.

Wer ym hals wetagen hat/ der neme wegrich/ vnd stos das kraut/ vnd trinck den safft daraus/ das mache auch weit vmb die brust.

Fur die heyserkeit.

So einer heyser ist/ der neme ysopen vnd boleyen vnd treibe den safft daraus/ vnd trinck den selbigen/ vnd bestreche auch den hals damit.

Wer eine gute stym woll machen.

Nim senfft der gestossen ist/ vnd temperier den mit honig vnd mach kichlin daraus/ vnd yss des morgens nüchtern eins/ so gewynnestu ein gute stym.

Item Vlinz

ertzney stücken. V

Item / Nim alaim vnd weyroch stos es klein vnd send es wol ym gutem alten wein vnd trinck das / so wird dir die stym glath.

Item / Nim lacrigen / guten yngwer vnd bertram wol gestossen mach das mit honig an / vnd mach tüchlin darz aus vnd yss des morgens nüchtern dauon es hilfft wol.

Fur die Kröpff.

Wenn einem ein tropff wil wachssen / der neme hauswurtz / vnd scheffin vnschlit / vnd saltz / gleich miteinander serstossen / vnd denn auff den tropff gelegt / das vertreibt yhn.

Fur den Sod.

Nim wegrich vnd stos yhn / vnd bring safft daraus vnd trinck den / Es hilfft wol.

Fur brüst schweren.

Nim fenchel wurzel / vnd sied die recht wol / das sie weich werde / vnd leg es dem lawlecht der frawen vber yhr brust / sie wird gesund on schaden.

Item / nim wegrich vnd sied den wol mit honig / vnd leg es also warmlecht auff die brüste ein mal odder zwey / es hilfft gar wol.

So ein fraw yhr zeyt zu viel hat.

Nim hürzhorn / vnd schab dauon fast klein puluer vnd thu das ym frisch brunwasser / vnd las den die frawen danon trincken / so verstehet yhr der siechtag / vnd nim des horns auch nicht zu viel / das es nicht zu fast verstehet.

Item / Welch fraw yhr zeit zu viel hat / die stos nachtschatten das es feucht / weich werd / vnd leg es so sie schlaffen gehet vnden an etc. Es hilfft vnd mindert yhr das.

Zu der

Von guten

Zu der gepurt.

Welche frau ym erbeit eins kinds gehet // vnd leichtlich geben wil / die nem reblaub vnd las yhr das stoffen / vnd durch ein tuch den safft trücken / vnd dauon trincken odder den wein da reblaub ym gesotten sey / es hilfft yhr an yhr erbeit vnd gebirt leichtlich.

Welche frau an yhrem heymlichen end vnfertig ist.

Die sied rosenbletter ym wein vnd trinck dauon / es hilfft der frauen an yhrer heymlichkeit / vnd auch der mutter / macht sie fertig.

Zu der frauen milch.

Ob einer yhr kind zu seugen milch gebrech / die sol offtelatich odder lactuca essen / das macht viel süßer milch / vn ist yhr gesund.

Fur die alten scheden an den beynen odder sonst am leib.

Nim weyrauch vnd myrren / vnd bein von einem hasen / vnd gebrant hirshorn vnd pfeffer / doch das des pfeffers weniger sey / vnd pülner das alles zusamen / darnach quecksilber mit nüchtern speichel getödet vnd ein wenig saltz / das alles mit bawmöl vnd wachs vermengen vnd als ein pflaster auff die alten scheden gelegt / doch das sie auch vor wol gewasschen sind mit essig / so heylen die scheden an dem leib wo du sie hast.

Von den blattern.

Item wiltu bald geschwer odder blattern heylen / so nim gersten mel / vnd newe gemolcken milch die gewessert sey / vnd mach ein salben daraus / vnd leg es darüber / es hilfft wol vnd heylt bald.

Zu dem bein

ertzney stücken.

VI

Zu dem bein bruch.

Item/so einem ein bein gebrochen wer/von fallen od
der stossen/da einer nicht bald zu einem balbyrer möchte ko
men/der neme bambeln wurzel vnd sied die weich / vnd
treibe sie durch ein sieb/ vnd bind das auff den bruch / es
lest nichts schedlichs werden/vnd hilfft yhm zusamen.

Fur das glied wasser.

Item/Nim nesselwurtz/vnd sied die wol ynn wein/
vnd wasch den schaden damit/es hilfft wol.

Fur die reuden vnd kretzen.

Nim alt schmer vnd schwefel vnd stabwurtz vnd
menschen harm/vnd mach ein salb daraus / vnd salb dich
damit an der sonnen/so vergehet dir die krez.

Item/das ist ein gute salben fur die Reuden / so etz
liche wenen das sie aussetzig sind. Nim iij. lot schwefels
Klein gestossen vnd ein halb pfund schweyne schmaltz/mis
sche es vntereinander vnd streich das an den leib do die
reuden sind/das heylet sehr wol.

Item/nim Rettich kraut/seud das ynn wasser / vnd
so du ynn dem bad wol geschwitzet hast/so streich das
wasser allenthalben an die kretzen / vnd behe dich damit/
die weil es heys sey/wo dir sein not ist.

Item /nim ochsen zungen vnd alands bletter odder
die wurzel vnd altes schmer/stos das vntereinander vnd
salb dich damit an dem leib odder wo du reudigst bist / du
wirft gesundt.

Item/nim sauren teygg vnd bestreich den leib damit
ynn der badstuben/so schwizet aus dir aller vngesundt.

Fur alle geschwulst.

Wo einer von fallen odder von stossen/odder bey eis

C

ner

IV Von guten

ner wunden geschwollen were/der neme von schlehen büschen das laub /vnd sied das ynn essig vnd binde es vber die geschwulst/es sitzt schön nidder.

Fur Onmacht.

Wenn ein mensch onmechtig wird/der neme boleyen vnd sied den ynn starckem essig / vnd halt das fur die nasen/es gibt gute krafft/vnd also getruncken ist auch gut fur die pestilenz.

Fur verstopfft blut.

Nim boleyen vnd sied den ynn wein/vnd trinck das von/das resoluir das blut.

Fur den Brant.

Ob sich einer verbrant het mit heissem wasser odder sonst/der neme rosenöl/als hinten stehet/ odder weis lilien öl vnd bestreich den schaden damit / es hilfft wol vnd wirst gesund.

Item/nym tinten/bawmöl vnd wachs mach ein salben dauon/streich es auff den brant/es heylet bald.

Mer von ratten beseicht wer.

So einer beseicht wer von den ratten des nachtes yn einem bett/das denn gar dauon faulen ist/der neme ein kröten/ vnd thue sie ynn einen newen topff/vnd setz den topff ynn ein feuer / vnd brenne die kröt zu puluer / vnd strewe das puluer auff solchen schaden/ odder ander vergift schaden es heylet sie bald.

Fur die wantleus.

Nym vom hanffstengel oben ab das kraut mit dem samen/vnd leg das ynn dein becladen odder spünden so bleiben sie nicht.

Fur nater

ertzney stücken.

VII

Fur nater bis.

Ob ein menschen ein schlang odder nater gebissen
het / der neme spitzwegrich vnd stos den odder zerknirsch
den nür ein wenig / vnd trinck darab / es hilfft wol.

Fur wütende hunds bis.

So einen ein wütender hund gebissen het / der stos
spitzwegrich / vnd leg das kraut mit dem safft vber den
schaden / du genesest des giffts.

Zu dem schlaff.

Welcher nicht schlaffen mag / der sol maggot mit
baumöl wol zerstoffen / vnd das ynn einem tuch auff das
hirn legen / so er schlaffen gehet / er wird rüwig vñ schlefft.

Fur wartzen.

So einer wartzen am leib hat / so nim ein strohalmen
vnd brenne die wartzen an dem glid wol / vnd nim wild
kressen vnd senff vnd stos es vndereinander / vnd leg es
vber die wartzen / sie verschwinden.

Zu der lebern.

Welcher ein vngesunde leber hat / der stos wolgemut
blummen / vnd thu die ynn sein tranck / vnd trinck es damit
ein / es hilfft yhn.

Fur den durst.

Welcher mensch fast dürstig ist / der sied fenchelwas
ser / vnd des sol er trincken / das hilfft fur den durst / vnd fur
den hitzigen magen.

Fur den husten.

Wer den husten hat der neme salbey / vnd stos die
zu safft / vnd werm ein becher mit firmem wein / vnd thue
den safft darein / vnd trinck also warm dauon / es hilfft fur
husten / vnd auch fur den sod.

C ij

Fur die

Don guten

Fur die volle brust.

Welchem menschen zu eng ist vmb die brust/der brat:
zweifeln recht ynn einer glut sensfriglich/vnd es zu nachts:
vnd morgens dauon / es hilfft den schleyrn auswerffen/
vnd macht weit vmb die brust.

Zu der brust.

Item/yss gebraten zweifeln so du des morgens auff
stehest nüchtern/ein tag odder zween vnd fast zwo stund
darauff / das macht dir weit vmb die brust/ vnd vertreyt
bet die geschwulst/vnd reinigt den magen.

Fur das bauchwehe.

Item / welcher mensch zu dün ym bauch ist mit
dem stulgang/der sol bestellen geissen vnshlit/vñ sol das
ynn milch sieden vnd die trincken/das verfelt dem bauch
das wehe/vnd die dünne.

Zu der Lungen.

Item/Boleyen gepulvert vnd ynn gutem firmen wein
gelegt/vnd das eingetrincken/so du schlaffen gehest / ein
tag odder zween/vertreibt der lungen vnd leber sucht.

Fur das bleen ym bauch.

Ynn nesselwurtz samen/vñ stofs den/das die wurtz
vor sauber gewasschen sey vnd zurschnittē/vnd vermisch
sie mit honig vnd yss dauon/ es erwermet die kalten lungen
vnd vertreibt das bauchbleen.

Zu dem Magen.

Wer ein vnderwigen magen hat/der sol boleyen ynn
eyn ey essen odder boleyen samen/es hilfft wol vñ ist gut.

Item/man sol nemen wermut vnd rauten/ mit gleis
cher mass vnd pfeffer/vnd sol es vndereinander zerstoß
sen vnd ynn wein sieden vnd trincken daruon / das hilfft
dem magen

Dem magen fast wol vnd reyniget yhn.

Ein gut puluer für die schwachheit
des magens.

Nym zimetinden/ingwer/iglichs zwey lot/vnd kus
beben ein lot/coriander vnd neglin ein quentlin / vnd stofs
das miteinander/vnd thue ein halb lot zucker odder mehr
darzu/vnd yfs des morgens vnd abents dauon so gros als
ein baunmus/das macht auch ein guten magen.

Für das brechen.

Welcher mensch zu sehr vnderwet / der sol betonica
ynn alten wein sieden/vnd dauon trincken ein mal odder
drey nach dem essen.

Item/nym boleyen vnd zerschneid den odder hach
yhn klein vnd yfs den ynn einem ey ein mal odder zwey/
es hilfft gar wol.

Lust zu essen.

Wer nicht lust hat zu essen odder trincken/der sol nes
men pfeffer / galgen vnd petersil samen / vnd eins als viel
als des andern/vnd zerstofs das / vnd iungfraw honig
darunder gethan getemperiert vnd ein latwerg also dar
aus gemacht vnd das gegessen frů vnd spat.

Welcher mensch sich gern brechen wolt.

Item/man sol honig / saltz vnd wasser miteinander
mischen / vnd sol das durch ein tuch seyen / vnd das also
warm trincken / zu handt verdawet es.

Für das Fieber odder Kalt.

Send eyfenkraut mit der wurzeln ynn gutem fir
nen wein/vnd so gleich den menschen das fieber wil rüren/
so sol er dauon trincken ein trunck odder zween / es wird
helffen.

C ij.

Item nym

Von guten

Item/nym spizen wegrich kraut vnd wurtzeln/ stofs das mit pfeffer/vnd nim es denn vnd trück's durch ein rein tuchlein vnd trinck' dauon mit frischem kalten wasser / es vorgehet dir.

Fur das dreytägig fieber.

Nym spizenwegrich wurtzeln/derre die vnd zerstoß sie zu puluer/vnd denn das puluer mit warmē wein nüchtern getruncken / ehe denn es yhn rürt / es kompt nicht mehr.

Fur Viertägig fieber.

Nym spuzien wegrich vnd stofs den safft dauon/ durch ein rein tuchlin getrüct/vnd das mit mulsā getruncken/ehe denn es yhn rürt/es hilfft gar wol.

Fur den Stein.

Nym rinden von eychem holtz/das abgehawen ist/ nicht so gar eins alten baums/vnd send die ynn wein/vnd trinck' offte dauon/der stein reisset von dir.

Item/der den harm nicht behalten kan/vnd des nachtes vnder sich brunzt/der neme geystreck odder geysbönnen/vnd brenne die zu puluer / vnd wenn du des nachtes wilt schlaffen gehen / so thu des puluers ynn ein becher mit frisch wasser vnd brauches so viel als du ynn einem trunck' trincken magst / das thu ein nacht odder drey / es vergehet dir/

Die Pestilentz zu vertreiben.

Dieses puluer ist fur die pestilentz/vnd es hats Herzog Albrecht den Herrn von Baden ynn liebe vnd grosser freundschaft gesand. Nym assarum auff dendsch hasel wurtz vnd bibinel wurtz vnd ynn der apotecck ein ding heist sigilla Salomonis vnd terra sigillata / nim eins als viel als

viel als des andern/vñ mach ein puluer daraus/ vnd welscher da sieg sey/der neme dauon als ein haselnus yn einem löffel vol warmen weins/vnd leg sich nidder warm zugebedeckt/so wird er schwoitzen / der selbig schweis stincket gar vbel/vnd so er das also gebraucht hat/so wird er gesundt.

**Ein heylsame leichte kunst zu
heylen die wunden.**

Vñ spizen wegrich vnd weinstein vnd zerstoß yhn mit honig/vnd neß daryn ein rein tüchlin vnd leg das ynn die wunden/es reinigt sie/vnd heylet bald dauon.

Item/wenn einer wund wird/vnd die wunde zu fast blüet/der neme salbey vnd zustoß die wol / vnd mit dem kraut vnd safft auff die wunden gelegt/das weret das blüeten / vnd heylet bis du zu ein arzt komest/ odder weiter rat darzu thust

Zu dem stulgang.

Der nicht zu stuel mag gehen/der neme iij. lot Senebletter/ein wenig plaw veylichen/ein quintlin turbit / zwey lot zucker alles zu puluer gestossen vnd mit zwey lot cassie fistule vermischet/thu es zusamē ynn ein büchselein. Vñ ein löffel vol dauon vnd thu es ynn ein gute suppenbrüe/ vnd ys der selben brüe nüchtern drey löffel vol vnd fast darnach drey stund so gewinnestu ein stuelgang.

Zu der roten rur.

Vñ butter die ynn dem Meyen gemacht sey/vnd ysß die on saltz/ein mal odder drey/es vergehet dir.

Item sied rosen bletter ynn wasser vnd trinck es/ ist das rot ym stulgang verstellen.

Zu dem

Von guten

Zu dem affterdarm.

Dem der affterdarm ausgegangen ist / als sich ein mensch vnterweylen vbernötigt hat an dem stuelgang/ der grabe schlehen wurzlen etwa viel/ vnd las die sieden/ vnd thue die ynn ein geschir / vnd sitze darüber / das der dampff an dich gehe/so genesestu.

Wen der bauch krimpt vom stuelgang.

Item stofs spitzen wegrich kraut / odder zerschneid ynn klein vnd seud yhn denn mit linsat wol ynn essig/ vnd yss von dem kraut vnd linsat/so wird dir bas ym bauch.

Fur die feygwartzen.

Nym ein ey vnd thu das weis daraus/vnd stos zu dem dottern ynn das ey / klein stücklin geschnitten/allerley farb des wüllen tuchs / vnd schneid ein ander ey entzwey/ vnd stürz ein schal vber das ey vnd legs ynn heysse essch/ das es zu puluer werde/ das behalt denn/ vnd strewe des puluers auff den schaden/du genesest.

Wem die hochbelg geschwollen sein das er nicht harmen mag.

Nym papeln zwey teil/ vnd ein wenig knobloch/ vnd wein darein ynn ein topff vnd seud das dritte teil ein/ vnd geus es durch ein tuch/ vnd trincke dauon.

Zu des mans gemecht.

So einem man das gemecht geschwollen were/ das er nicht harmen möcht/ der siede papeln/ knobloch/ gamil len vnd tillen samen mit gutem wein/ vnd las den dritten teil ein kochen/ vnd seihe denn den wein durch ein sauber tuch vnd trinck dauon/ die geschwulst verzeucht vnd wird dir wol daran.

Das die

ertzney stücken.

X

Das die fliegen sterben.

Stos rauten zu puluer vnd misch das mit honig vnd bestreich die wende damit so sterben die fliegen/wenn sie daran sitzen.

NB

Fur das zittern der hende.

Wasche die hende aus kalcem wasser/darynn salbey gelegen hat vnd las die hende von sich selber trucken werden/es hilfft.

Zu den flüssigen füßen.

Wer den flus an den füßen hat/der neme ybischwurzeln vnd hingel kraut / vnd sied die zwey stück ynn wein/ vnd salb die füß rechtwol damit/ es vergehet dir.

Rosenöl zu machen.

Nim ein pfund baumöle/vnd ein pfund roter rosens bletter/vnd thu das zusamen ynn ein glas / vnd hencf das sieben tag an die sonn/vnd thu denn die rosen widder aus dem öle / also das die rosen senfftiglich werden durch ein tuch getrüct / vnd behalt das öle / das ist gut fur hitzige schäden damit bestrichē/als auch ynn diesem buch gemelt wirt zu dem haubtwehe/vnd anders mehr.

Kütten latwergen.

Item / wiltu kütten latwergen machen / so nim ein pfund kütten/vnd thu sie ynn ein topff / vnd vermach sie mit hölzlin ynn dem topff / vnd stürz den topff mit den kütten yber einen andern/der vnter sol mit wasser sein/vñ las yhn sieden/so dünsten sich die kütten/nim sie denn vnd treib sie durch ein sieb mit ein löffel/vnd nim ein pfund honigs vnd las es sieden ynn einem kessel alles durcheinander/vnd mehre es bis es dick wird/das du es nymer gestüren kanst/ so ist es auch gerecht/so las es kalt werden vñ

D

bereyt es

Von guten

Bereit es ynn ein gefess wie du sie haben wilt.

Kirschen latwerg.

Wiltu Kirschen latwergen machen/ so nim die Kirsche
en vnd reib sie durch ein sieb/ vnd thue die schelffen vnd
stein dauon/ vnd denn als viel honigs odder munder/ vnd
thu es zusamen ynn ein psan vnd las es sieden/ vnd rür es
wol/ die ist gut mit wein odder Maluasier eingemacht/ vñ
ist gesund.

Ein köstlich magen puluer.

Vnn muscatnis/ neglin/ ydes ein halb lot/ macis das
sind muscaten blumen drey quintlin/ galgen/ kalmas/ ydes
ein quentlin/ zimetrund auch so viel/ Enis/ fenchel/ ein halb
lot/ coriander der bereyt ist/ drey quentlin/ zitwer ein halb
quentlin/ vnd zucker ein pfund/ dis werde zusamen gestos
sen vnd genützt auff einem schnit brods ynn wein genetzt
abents vnd morgens.

Ein salb widder die würrn.

Vnn engian/ diptan/ wurm sat/ aloë citrini/ ydes ein
quentlin/ darzu thu buter vier lot alles vndereinander ges
stossen/ vnd leg dauon auff den nabel/ es vertreibt sie alle/
du magst auch die buter nicht darein thun/ vnd ynn pul
uers weifs essen.

Widder das stechen der leber ynn der rechten seiten.

Vnn endinien wasser acht vnz/ rosen wasser ein
halb pfund/ weissen vnd rotten sandel/ ydes ein quentlin/
campfer ein scrupel/ essig zwey lot/ dieses misch vnderins
ander/ vnd netz ein tuch darynn vnd leg es auff die seiten/
es hilfft wol.

Widder:

ertzney stücken

XI

Widder das stechen ynn der lincken seiten.

Nim rauten vnd weiden rinden gleich viel/ sende das ynn effig/ netz dar ynn ein tuch odder weich brod / vnd leg es also warm auff die seiten/ es hilfft wol.

Fur die wassersucht.

Wer sich fur der wassersucht besorgt/ der neme hints leufften wurzel/ vnd kochs wie die ruben/ sein ynn butz tern/ das sol man offte essen/ es weret der wassersucht aus der massen sehr.

Nu folgen hernach etliche andere stück/ fur kranckheit der menschen.

Erstmals/ Ein gut wasser zu den augen.

Nim eppich sot/ fenchel sot/ rauten/ eyfentkraut/ braunne bethonien/ maieran/ adermenig/ hundes zung / gamander/ bibinel/ augentrost/ salbei/ leberkraut/ windscherling/ silermontan/ ydes eins als viel als des andern/ vnd thu dar zu kindsharm als viel als dich dunckt das es gnug sey/ vñ thu zu ydem stück/ als manig stück ein kornlin sch wartzepfeffer/ vnd thu es ynn ein mörser/ zuquetsch es vnd meng es durcheinander vnd las es stehen zween tag vnd zwo nacht/ das es sich durchzencht vnd distilier es darnach/ durch ein alembick mit senfftem feur/ vnd wenn du es also hast lassen sanfft distilieren / so behalt es ynn einem wol verstopfften glas/ vnd bestreich morgens vnd abents die augen damit.

D ij Zu wissen

Von guten

Zu weissen zeenen.

Vim lautern alaim vnd distilier den ynn einem helm/
vnd mit dem selben wasser wassche die zeen/sie werden
weis als ein schne.

Fur das krummen.

Vim fenchel sot/mackümel/cimmin sot/ mach daraus
ein puluer/das ysse auff gebraten biern/ist gut.

Fur das essen ym mund.

Vim weissen starcken wein/odder Maluasier ein
quart/wegrich wasser / korn rosen wasser / ydes vier lot/
spongrün ein lot/ rosenhonig zwey lot/misch das alles zusa
men vnd wasch den mund zwir ym tag damit es hilfft.

Fur den husten.

Vim seygen zwey lot die schneid klein/rosen zwey lot/
liquiritie geschabt zwey lot / panis zucari zwey lot/honig
ein klein glesin vol / Koch das ynn einem newen topff/da
funff odder acht mass ein gehen/bis das die eint einseudet
so las es kalt werden/vnd trinck des abents vnd morgens
als warm du es leiden kanst.

Zu der brust.

Vim geschaben süsholz. xij. lot/fenchel sot. vi. lot/
Enis auch so viel/ calmas/coriander der bereyt ist/ydes. iij
lot/mach daraus ein puluer das brauch des tags zwey/
mal/ist gut fur den husten/ vnd das haubtwehe / vnd dies
net den augen/vnd machet aufzwerffen / vnd stercket den
magen/vnd weret das auffriecken ym heubt/ vnd vertreis
bet den stinckenden mund.

Wer verstopfft ist.

So einer nicht mag zu stuel gehen/so bind yhm ein
halb nusschal vol butterwecklin auff den nabel/ vnd das
behalte

ertzney stücken.

XII

Behalte also die ganze nacht/so gewint er ein stuelgang/
doch sihe das es nicht zu lang da bleib / es schadet yhm
sonst.

Ein außzerwelt Aqua vite.

Nim aqua vite odder gebranten wein/ der sechs mal
gedistiliert ist zwø mass/ ist gewönlich acht pfund/ingwer
neglin/ ydes ein halb pfund/zimant ein fierding / muscate
nus acht lot/ein quentlin römischen kumel / weissen wey/
rauch/alipete muscate ydes ein quentlin/veyel zucker/ rosen
zucker/rosata nouella ein puluer also genant/ iunckfrawen
honig zwey lot/wein von granat öpffel acht lot / fenchel
wasser auch so viel/saffran/lignum aloes/ydes ein lot/gal-
gen/langen pfeffer ydes ein quentlin / spicanardi / der be-
sten boragen blümlein ydes ein quentlin/salbei/ tormentil/
augentrost vnd boleyen apostemen kraut scabiose genant.
rauten/wernut/spitzenwegrich/bethonien/ ysop/camille/
quendel/schosszungen zu latein ligua arietis/veyel kraut.
Diese kreuter sollen alle grün sein/ aus welchen man mag
machen den safft von yden wer besser ein pfund/vnd was
da zustossen ist/werd gestossen vnd werd als zuhauff vers-
mischt vnd gedistiliert auff einem sanfften sewr in balneo
Marie/vnd wenn es gedistiliert ist/so thu darzu guten Ve-
nedischen tyriack / vnd las es also stehen/vnd brauch das
von/deck es wol zu das kein dampff dauon mag gehen.

Dis wasser wenn es also gemacht ist / so hat es gar
viel heymlicher tugent vnd krafft/wenn man es brauch/
et wie ich hernach wil leren.

Wenn einer von diesem wasser zu der wochen zwey
odder drey mal braucht/so man nüchtern ist / so behelt es

D iij ein men/

NB

Von guten

ein menschen vor allen Franckheiten ym leib / Die da kommen etwa von yhren natürlichen krefften/das yhn die natürliche krafte entgehet/ ist es fast stercken vnd behelt den menschen iung vnd frölich.

Zu dem ersten/ist es täglich zu allen wehtagen des heubts/des hirns/der adern / der iuncturen / vnd beheltet das heubt für allem vberflus/erbgründts / für aller bösen feuchtigkeit/vnd sol gebraucht werden des morgens vnd das geschehe neun tag nacheinander.

Dieses wasser stercket das hirn/wenn man es brauche mit fenchel safft/vnd borragen kraut / vnd maieran safft/ydes ein dragma/wenn man es brauchet mit den vorgenanten safften/so vertreibt es catharrum/vnd stercket das gedechtnis / vnd ist gut für die heiserkeit/so etwan kompt vom gebrechen der lungen/das man ym der hitze trinckt/wenn man es mischet mit diesen zweyen wassern / rauten vnd ysop wasser zu den vorigen wassern ydes vier lot.

Es ist auch gut den die nicht wol hören/wenn mans warm machet/vnd ein tropffen odder zwen ym die ohren eht so man schlaffen gehet.

Es ist auch gut den zeen vnd dem zanfleich/wenn man es warm macht/vnd ein baumwol darym netzt vnd darauff legt / vnd ist vast nützlich für vbelriechunge des mundes.

Es verzeret vnd zerteylet das flegma salsum vnd die melancoley / wenn mans yhe vber drey odder vier tag brauche ym dem wein/vnd vnder der speiße ydes mal auff ein halb quentlin.

Es ist auch nüt vnd gut/allen die da haben ein kalten magen / vnd ist verzeren vnd zertreiben alle flegma vnd

ertzney stücken. XIII

vnd melancoley/wenn man es braucht des morgens ein
lot/mit zwey lot frans münzen wasser/vnd das nacheins
ander ye vber drey tag ein mal. Wenn man diesses wasser
genant aqua vite/mischt mit cristiren/vnter ein pfund cris
stier drey lot des wassers / es vertreibet das sieber quars
tanam.

Es hilfft auch allen schwangern frawen zu einer
leichten geburt / wenn man es mischet mit zwey lot viel/
vnd boleyen wasser zwey lot / des aqua vite zwey quent
lin. Dis wasser stellet vnd weret auch der krankheit der
frawen/genant menstrum album/denn das ander heist ru
beum/das hie nicht weiter erklerung darff von zusel der
krankheiten der frawen / es nimpt hinweg alle wehtas
gen der frawen nach der geburt.

Das aqua vite sprechen alle natürliche Meister/ das
da wird disiliert von roten wein/sol das beste sein.

Man sol sich auch ynn sonderheit hüten / das man
das aqua vite composite sprechen die lerer/ nicht sol brau
echen morgens nüchtern mit andern wein / sondern zum
essen den wein damit mischen / das sol yhe vber drey tag
ein mal geschehen.

Ein gülden wasser für die aussetzigkeit / grind/
renden / vnd für die böse feuchtigkeit.

Item/nim galgen/zitwen/bibinel/blutwurtz/rot vnd
weis corallen / berlin/ amatist / rubin / granat/ iglichs ein
quentlin/roten/gelben vnd weissen sandel/ helffenbein ge/
schabt heist rasura eboris/helffenbein gebrant heist spodi
um iglichs ein halb lot/zimet/neglin/muscablit ein quent
lin/ muscatmus ein halb quentlin/dauben kropff / scabiose/
iglichs ein halb hantfol/Dis alles mach zusammen ynn zwo

MAS

Von guten

mas daubentropff vñ scabiosen wasser/ vnd las es stehen
ix. tag an der sonnen/ od der ynn einer stuben ynn ein glas
odder zihnen geschir / vnd wenn du es gedistiliert hast/
durch ein glessern helm / so thu bisam vnd ambra darein/
iglichs drey gersten körner schwer / geschlagen golt vnd
silber iglichs funff bleter/branch alle tag eins halben lots
schwer dauon.

Ein gülden wasser zu allen gliedern.

Item/ nim zimet/ingber/ neglin/ muscatnüs vnd mus
caten blumen/ ydes ein halb lot/ wachholder ber/ lorber/
vnd auch die bleter/ biber geil/ ydes ein halb lot/ saffran ein
halb quentlin/ loröl 3wey lot/ tyriack anderhalb lot/ zitwen
galgen ein quentlin/ kraus münz/ erd rosen/ melissen/ spica
nardi/ lanendel/ maieran/ rosmarin/ salbei/ ydes ein lot / die
wurzeln zerstoffen gröblecht vnd die kreutter zerschneid
klein/ stel es an die son vier wochen ynn zwo mas gebranz
ten wein ynn ein zihnen geschir / denn distiliers durch ein
glessern helm/ ist gut alle morgen gebrauchen nüchtern ein
halb eyrschal vol.

Ein gülden wasser fur apostemen ynn leib vnd brustgeschwer.

Nim zimet/ neglin/ muscatnüs/ saffran/ ydes ein quent
lin/ süßholz/ vielwurz die Venedisch ist/ spicanardi/ peo
nien körner/ feygen/ dactilen/ mertrübel/ ydes ein lot / pul
uer diamargariton / sindt man ynn der apotecf ein lot/
maurant / ysop / kraus münz/ Korn münz/ mutter kraut/
ydes ein halb hantfol/ dis gelegt ynn zwo mas geyßmilch
vier wochen lang/ stels an die son/ denn distiliers durch ein
helm / darnach brauch das wasser mit viel syrop / hilfft
aus der massen sehr/ vnd bricht alle apostemen on schade.

Juncker

ertzney stücken.

XIIII

Juncker Jacob von Liechtenbergs gülden
wasser für den schlag vast gut.

Ein wachholder sechs lot / zitronen / galgen / anders
halb lot / saffron ein halb quentlin / laubendel / salbei ein hant
fol / puluis electuarij de gemmis / puluer diacastoreen sind
man ynn der apoteck / ydes anderhalb quentlin / dieses setz
ynn anderhalb mas gebrants weins / der drey mal distilirt
sey / vier wochen lang an die son / denn distilierts durch ein
helm / vnd brauchts alle morgen vnd abents ein halb eyers
schal vol.

Ein gülden wasser das den menschen ynn
rechter gestalt lest bleiben / vnd
auch ynn gesuntheit behelt.

Item / nimm zimet / neglin / ingber / saffran / kubeben / pa-
ris körner / ydes ein halb lot / puluer diamargariton / ele-
ctuarij de gemmis / geschlagen dün gold / silber bleter / ydes
ein quentlin / zitronen / galgen / ydes anderhalb quentlin / spis-
canardi / lorber vnd yhr bleter / ydes ein halb quentlin / bis-
sam vnd Ambra / ydes ein halbs quentlin / dieses alles stofs
vnd legs ynn ein halb mas rosen wasser vnd ein mas ge-
branten weins / vierzehen tag lang an die son / darnach dis-
tiliers durch ein glessern helm / trinck alle morgen ein we-
nig nüchtern / auch magstu dein angesicht damit schmirren
das gibt grosse krafft / welchs hie nicht alles zu
erzelen von nöten / denn es beweist
sich selbs.

℞

Für die

Fur die Franctosen.

Ein sehr köstlich wolbewert stück / zu erfrischen vnd renewern / das faul verderbt geblüt eins menschen / der fur frantzosen ist geschmurt worden.

¶ Nim .i. lot Repontica. iij. quintlin läbstückel wurzel / ein halb lot angelica / ein quintlin alantwurtz / ein halb quintlin Rebarbara / ein eyerschalm vol wachholder beer / yglichs besunder auffss aller vleissigst vnd reinlichst gepüluert / darnach vndereinander gemischt / Dis gemischten puluers nim ein quintlin schwer vnd guten triackers / als gros als iij. erbeis / ynn ein halbs gleslin vol blancken firmen weins / odder erdrauch wassers / zertreibs wol / vnd getruncken ein vierteil stund zuuor / ehe man ymms bad gehet / vnd vngenerzt geschwitzet / so lang man es erleyden mag / ist an vielen versucht vnd probirt.

Ein kurtz apoteckisch vnderweisung.

Alle recept die die Doctores schreiben / darynn stehet also. Recipe odder R. das ist nim. Ana / das ist gleich viel / odder eins als viel als des andern. Vntia vna / ist. ij. lot Dagma ist ein quintlin. Libra ein pfund. Semis heyst halb so viel. Scrupulus ist ein dritteil von ein quintlin. Manipulus ist ein handsol / odder ein büschel so du ynn der hand haben magst.

Ende des Ersten
Büchleins.

Das Ander büchlein
Von allen gebranten wassern/ynn
welcher maß man die nützen vnd
brauchen sol/zu gesundheit vnd fristung der
gebrechen der menschen/durch herrn
Michael Schrick / Doctor der
Ertzney/vmb lieb vnd gebet
willen Erbarer perso/
nen/ aus den büch/
ern zusamen
gezogen
vnd
gerechtfertiget.

Ein kurtze Summa der gebranz
ten wasser/wie man die nützen vnd brauchen sol zu gesund
heit der mensche/vnd zu welchen gliedern ein ydes nutz ist.
An welchem blat aber ein ydes wasser zu finden ist / das
seheth hinden ynn dem andern nachfolgenden Register
dis büchleins/nach ordnung des Alphabets.

Zu dem Neubt.

Lübstickel wasser. Bethonien wasser. Mayeron wasser.
Lauendel was. Fenchel wasser. Zollerblüt wasser.

Zu den Augen.

Blaw Kornblumen wass. Rittersporn was. Ringel was.
Rosen wasser. Mauchen was. Selberblüt wasser. Schels

L ij wurtz

Summa der

wurtz wasser. Eysenkraut was. Seblumen wasser.

Zu dem Angesicht.

Meyenblumen wasser. Bonenblüt was. Rükot wasser.

Zu dem hertzen.

Wild Salbey wasser. Rautenblüt was. Freysam wasser.

Porrage wasser. Ochsenzungen wasser.

Zu dem Magen.

Zagendorn rosen wasser. Gerteln was. Wermut wasser.

Münzen wasser.

Zu der Lebern.

Salbey wasser. Gensdistel was. Erdtbeer was. Schnel-

blumen wasser. Gelb veyel wasser.

Zu der Lungen.

Isopen wasser. Seiden wasser.

Zu dem Miltz

Hirschzungen wasser. Fenchel wasser.

Fur das Grimmen.

Pappeln wasser. Pfifferling was. Abschlag wasser. Plaw

Lilien wasser. Speck Lilien was. Veyel was. Stabwurtz

wasser. Nesseln wasser.

Fur die rur ym leib.

Wegrich wasser. Lychenlaub was. Teschenkraut wasser.

Zymelbrant blumen wasser. Saurampffer was.

Fur die Pestilentz.

Paldrian wasser. Braunnellen wasser.

Fur die Vermutter.

Mensör wasser. Lindenblüt was. Weis Lilien wasser.

Beyfuß wasser. Gamullen was. Tullen wasser.

Fur Geschwulst.

Nachtschatten wasser. Bilsen wasser. Hauswurtz was

Zickel was.

Kettich.

gebranten wasser. XVI

Fur den sand ynn den Lenden.

Kettich was. Valerian was. Sparig was. Petersil was
Spindelbaum wasser. Steimbrech wasser.

Fur die Wassersucht.

Rünleinkraut wasser.

Fur den Aufsatz.

Edrauch wasser.

Fur die Gelsucht.

Binsaugen wasser.

Fur den Stein.

Merrettich wasser. Eppich odder Ephew wasser:

Fur das Sicht.

Walwurz wasser.

Den frawen zu der geburt der kinder.

Poleyen wasser.

Den kindern fur das gesegnet.

Weyendistel wasser.

Fur die Würm.

Grensig wasser. Creuzwurz wasser.

Item wie man Rosenöl sol machen.

Item/von Wachhaltern was tugent sie an yhn haben.

Au folget der rechte nutz vnd brauch der gebranten wasser.

L iij

Zum Ersten



Rosen wasser ist ein wenig kalt vnd vast trucken/dassell wasser ist gebrant gut/den krancken leuten die onmechtig sein von vnna-
türlicher hitze/den sol man es anstret-
chen/ vnd sterckt das hertz / vnd ist
gut für die Pestilenz / vnd wenn das
heubt heys ist/Vnd sonderlich zu der röte/geschweren/ vñ
kranckheit der augen. Es ist auch gut zu der heissen lebern/
vnd an den schlaff vnd puls gestrichen legt es die schüs/
vnd macht gute rhw zu schlaffen/ vnd sonderlich so man
Manus Christi damit temperirt/das ist gut für onmacht/
Vnd verfelt auch den flus der rür ym bauch/ vnd erkält
die lebern vnd den magen / vnd ist gut wenn man plut
auspürzet etc.

Rosen die auff den Hagendörnen stehen.

Rosen die auff den Hagendörnen stehen / das wass-
ser gebrant ist warmer natur / Vnd ist gut dem der kalter
natur ist/ vnd wenn der magen erkält ist / dem sol man es
geben zu niessen / vnd was siechtumbs denn der mensch
von kelten wegen hat/dar für ist es gar gut.

Schnell blumen wasser.

Blappar rot rosen odder Schnell blumen die ynn dem
korn wachsen/das wasser ist gut genüzt für all ynnwens-
dig siechtagen die von wasserhitze sind / besunder zu der le-
bern/wenn sie vol vnmatürlicher hitze ist / vnd getruncken
so hilfft es für das wild freysam/an iungen odder an alten
leuten

leuten/Vñ sonderlich ist es gut für sanct Anthonius plag/
darauß gelegt vnd getruncken. Auch die frawen die yhrer
Kranckheit zu viel haben/ die trincken es. Item ein tüchlin
darynn genezt vnd zwischen die brüßte gelegt / das verstelet
yhn yhr Kranckheit. Auch ein tüchlin genezt vnd auff die
lebern gelegt/verstelet das bluten der nasen/vnd ist gut für
all fretten ynn dem mund vnd der leßzen.

Weis Lilien wasser.

Das weis Lilien wasser ist gut zu den augen/darein
vnd darumb gestrichen nach dem bad/das zeucht die hitz
vnd rötten aus/das sie lauter werdē vnd nicht schweren/
vnd sonderlich das anltiz damit gewaschen / macht es
lauter vnd klar. Es ist auch gut wenn ein mensch onnech-
tig vnd hitzig ist vmb das hertz vnd vmb die lebern. Vnd
ist gut denen die böse feuchtigkeit haben/vnd denen eng ist
vmb das hertz von böser hitz wegen.

Blaw Lilien wasser.

Blaw Lilien wasser ist gut für alle fieber/welchers
ley sie sind. Es ist auch gut getruncken für die rotten was-
fersucht/Lebersucht/vnd geelsucht/vnd für das darmgicht
vnd grimmen ynn dem leib/vnd für alte wunden/ vnd den
Krebs/vnd für Noli me tangere/das heylet es schön vnd
bald.

Speck Lilien odder veld Lilien.

Speck Lilien die ynn den dörnen wachsen/das wass-
er ist gut für das hertzgesperr vñ bezwang vmb die brust/
vnd ist gut den wassersüchtigen / vnd denen die lung faus-
let/odder geschwer daran haben/vnd die seer keichen/vnd
macht langen athem / vnd reumet die brust/Vnd ist gut
denen die den stein ynn den lenden haben / vnd reyniget
die nieren

Von allen gebranten

die nieren, vnd ist gut widder die vnkeuscheit. Auch ist es dem gut der sich besorge sinder siech zu werden / vnd wer rot vnd plateret vnter den augen ist. Item es macht schöne vnd glatte antlitz / vnd ist gut dem / welchen der tropff odder schlag getroffen hat / Vnd welchem die glieder erlaset odder erdort sind / der sol sich damit schmiren / so hilfft es yhm.

Meyen blumen wasser.

Lilium conuallium / das ist Meyen blumen wasser / das ist gut wer gifft genossen hat / das sol man yhm von stund an zu niessen geben / vnd welchen ein spynn oder ein gifftig thier odder wurm verunreyniget het / odder ein wütender hund gebissen het / wenn sie das wasser trincken / so hilfft es sie. Es ist den frawen gut so sie zu den kindern arbeyten / vnd ist gut für allen vnreynen siechtagen / vnd sonderlich zu den augen die klert es / vnd krefftiger das hynn vnd das hertze / vnd stercket die synn / vnd ist gut denen die den fallenden siechtagen haben / vnd die sich fürchten vor der auffezigkeit / vnd der frawen krankheit / vnd welchem die sprach erlegen ist / dem streich man es auff die zungen .

Veyel wasser.

Veyel wasser ist gut den vnnygnen / vnd die yhr synn verloren haben / von vbeln vnd bösem geschmack odder ruch. Auch das wasser ym einem leinen tüchlein auff die feygwarzen gelegt / das vertreibt sie / auch kült es das hertz natürlich vnd leschet den durst / vnd ist gut den menschen den die augen schweren wöllen / vnd ist denen nützlich vnd gut / die das hertz stechen haben / denn es kület vnd krefftiger den ganzen leib.

Gelb Veyel

Gelb Veyel wasser.

Gelb Veyel wasser ist gut denen/die sich mit weibern
 vberleyet haben / die sterckt es / vnd krefftiget die lebern
 vnd die nieren/ Vnd macht die frawen fruchtbar/vnd reyt
 niget sie nach der geburt. Es ist auch gut wem das hirn
 siech ist von keltten wegen/das wermet es vnd sterckt die
 synn. Auch krefftiget es die gedechtnis / vnd macht gut
 synn/vnd erfrewet die seele vnd auch das gemüt. Item es
 leutert vnd krefftiget das verdorben blut/vnd wermet das
 marck ynn den beinen / vnd treibt alle kalte sucht aus.
 Item/es ist auch gut denen die das Paralisis odder der
 schlag getroffen hat/das yhnen die zung lam ist/vnd nicht
 reden können/wenn sie das trincken / Auch denen es die sey-
 ten getroffen hat/wenn sie das trincken vnd die seyten das
 mit schmiren. Item welchem die hend seer zittern / der sol
 die hend damit schmiren vnd nicht trincken / so nimpt es
 yhn das zittern. Item es kület auch ynnwendig das hertz/
 vnd erfrewet das geblüt. Auch ist es gut für alle flecken
 die vnter dem antlitz sein/sie seyen von hitz odder von kelt-
 ten/vnd macht das antlitz weis/ liecht vnd klar. Item ein
 tuchlein darein genezet vnd vmb das heubt gebunden/
 das ist gut vnd legt allen wetagen vnd schlis des heubts/
 vnd macht wol schlaffen.

Seeblumen wasser.

Seeblumen die weissen mit den breiten blettern die
 da auff den seen odder weyern schweben/ das wasser ges-
 brant ist vast nützlich vnd gut/für die rotten flecken vnter
 den augen / die da von hitz komen/ denn es nimpt alle hitz
 an sich. Item es macht auch weisse haut/vnd keltet das
 hertz vnd die lebern krefftiglichen. Auch lescht es alle fies-
 ber an des menschen leib sicherlich. § Ritters

NB

Don allen gebranten

Rittersporn wasser.

14
Rittersporn wasser gebrant/das ist gar nützlich vnd gut für alle röte vnd geschwer der augen / denn so man ein tüchlein darynn netzet / vnd es vber die augen legt / so gehet alle röte aus den augen vñ machet sie klar / vnd weret auch das schweren / vnd ist gut für allen getrang ym dem leib / vnd für das darmgicht / vnd wer die speis nicht behalten kan / auch treibt es den harmstein.

Schffenzungen wasser.

Ochffen zungen wasser ist gut / als das Rosenmarin wasser. Es ist auch gut für die schnuppen des heubts / vnd sonderlich für der frawen siechttag.

Porragen wasser.

Porragen blumen wasser ist gut ym aller mas als das Rosmarin blumen wasser / Auch ist es sonderlich gut für das Paralisis / vnd für all flüss die von dem heube komen.

Lindenblüt wasser.

Lindenblüt wasser ist gut den kindern / die die fals lenden sucht haben / den geb man es zutrincfen / so genesen sie. Item es ist auch gut für die Bermutter / vnd zitterung des hertzens vñ für den stein. Auch ist es gut / den die hend odder füß erfroren sind / es zeucht die keltten aus. Auch ist es gut für all siechtagen die von kelt komen / vnd sonderlich den frawen wenn yhn die mutter erkaltet.

Wegerich wasser.

Wegerich wasser des breyten / ist gut für die rur / so man es gibt mit Bolo armeno odder mit dem stein Amastisten zutrincfen / denn so verfelt es den selben flus / vnd füllet auch den frawen yhren siechtagen. Item / der spizig
Wegerich

Wassern.

XIX

Wegerich ist gut zu den wunden / wenn man sie damit weschet / so reyniget er die vnd heylet sie.

Saurampffer wasser.

Saurampffer wasser ist gut zu allen hitzigen dingen / denn es kület vnd lescht all hitzig sucht / sie sind ynnwendig odder außwendig. Es kület seer die hitz des heubts vnd der lebern / vnd alle gelider des leibs / vnd sonderlich sanct Anthonius plag / vnd ist gut für die Pestilenz.

Nachtschatten wasser.

Nachtschatten wasser kület vnd vertreibt alle hitz außwendig oder ynnwendig des leibs / vnd sonderlich was heys apostemata odder geschwer sind / odder was heysser geschwulst ist / das getruncken / vnd mit einem tüchlein gelegt auff das heubt / denn es kület stercklich alle ding.

Hirschzungen wasser.

Hirschzungen wasser ist heys vnd trucken / vnd ist auerwelt gut zu dem miltz. Item / es wird das miltz ye zu zeyten als hert ynn dem menschen als ein stein / vnd kraschet laut das man es scheinbarlich hört / als der spen abbreche. Dafür sol man das wasser trincken vierzig tag / so hilfft es gewislich. Item es ist auch gut für den heschen / vnd zerbricht den stein ynn den lenden / vnd ynn der blasen / Das hab ich Schrick oft beweret / das es gar gut ist für schwer grausam vñ forchtsam traum die oft von böshheit des milzts komen. Desgleichen für schwermütigkeit vnd traurigkeit / die auch von dem miltz vnd melancoley komen. Item / man mag es wol mischen mit wilden Senenbaum wasser / auff das halb teyl / denn sie sind beyde gar gut für all gebrechen vnd böshheit des milzts.

§ ij Hauzwurtz

Von allen gebranten

Hauzwurcz wasser.

Hauzwurcz wasser das kält seer/ vnd ist gleich dem
Maurpfeffer/ doch ist es viel kelter an yhm selbs/ vnd yhr
Keins ist dem menschen gut hinein getruncken.

Weggras wasser.

Weggras wasser ist gut/ für den rotten durchgang.
Auch leschet es das wild sewer/ Vnd wenn ein mensch bla
tern hat / so man es denn darüber bindet / so hilfft es gar
wol.

Braunellen wasser.

Braunellen wasser ist gut für das gesegnet vnd das
freyssam/ iungen vnd alten leuten. Auch ist es für die Pestis
lencz gut/ vnd besonder für die breune vnd seule ym dem
mund/ Vnd was von böser vnnatürlicher hitz kompt/ das
kält es.

Erdrtrauch odder Centaur wasser.

Erdrtrauch wasser odder Korzentrebel wasser/ ist gut
den menschen die sich fürchten von der aussetzigkeit / vnd
ist gut getruncken für alle krez vnd reudigkeit/ aus dem leib
derret es/ vnd heylet darnach/ vn̄ sonderlich so man nimpt
ein wenig triackens/ vnd ein guten trunck darauff/ wenn
man ym das bad wil gehen/ so schwitzte man all sucht vnd
giffte aus yhm / vnd er sol sich nicht begiessen er sey denn
wol erschwitzt/ denn es vertreibt alle reuden odder grind/
ynwendig vnd auswendig. Es reymget auch den siech
tagen der frawen/ wenn sie es nützen so sie sein nottürffig
sind/ das hilfft sie wol.

Steinbrech wasser.

Das kraut sol gar gut sein für den gries odder sand.
Das kraut ist vnten geschickt an den bletlyn als ein rosen/
vnd

Wassern. 88

vnd hat auff den bletlyn lang rot stengel / vnd zu oberst an den spizen auch ein woenig bletlyn. Es ist auch gut fur den harmstein/den bricht es.

Abschlag wasser.

Abschlag wasser ist gar heys als zwiffeln/vnd hat ein böse feuchtigkeit/vnd ist böß zu den augen/wenn man sein viel nützet. Es machet schlaffen/vñ verzert viel feuchtigkeit ym dem magen / darumb trinckt man es fur die würm / vnd fur das grymmen.

Pappeln wasser.

Pappel wasser ist kalt vnd feucht / vnd mehr feucht denn kalt/vnd ist gut zu erweichen alle harte ding die hitzig sind/denn es feucht gar wol ynwendig vñ auswendig. Es ist auch gut zu dem schlaff vnd zu dem heysen sieber/vnd zu der derring/wenn man damit weschet die bein/vnd ist auch gut das man die kretz damit weschet. Desgleichen gros hüßeln wasser hat die krafft.

Beyfus odder Notpucken wasser.

Beyfus odder Sünbentgürtel wasser ist heys vnd trucken ym dem andern grad/vnd ist gut zu den schaben an dem haer / vnd leßt bey zeit bart wachsen vnd sterckt die brust vnd den kalten magen/vnd ist gut fur die würm/vnd bringt der frawen Franckheit/vnd den brunnen / vnd vertreibt den sand vnd bricht den stein/vnd ist gut zu dem gicht Vnd das kraut vertreibt alle giftige würm/so man es send vnd bestreicht die gemach der heuser damit / vnd lewlich getruncken vertreibts die Vermutter. Vnd ist gut fur die geelsucht/vñ fur die bleung der leber vnd des milz.

Sparig wasser.

Sparig wasser ist gleich heys vnd trucken / vnd das

F iij wasser

Von allen gebranten

wasser bringt den brunnen als vast als der brun darnach
schmeckt / vnd darins ist es gut zu dem sand / vnd vers
treibt die materi da sand aus wird / vñ ist gut zu dem darm
gicht. Es vertreibt auch die stopffung der leber vnd des
milzgs aus den lenden. Vnd wenn man woll vertreiben
den gemeynen stein vnd den sand / so sol man das wasser
mit mischen. Item fur die Bermutter mach einen rauch
von weyrauch / vnd leg yhn auff ein glut / vnd halt den
mund darüber / vnd las yhn wol ynn dich gehen.

Tillen wasser.

Tillen wasser ist heys vnd trucken gleich / vnd ist gut
zu der feuchtigkeit der zeen vnd der brust / denn es macht
viel milch der Ammen / vnd ist gut demmagen / vñ bringt
den brunnen vnd vertreibt den sand.

Eufrasia wasser / das ist augen trost.

Eufrasia wasser ist gut zu Winters zejt zu allerley
gebrechen der ynn augen ist / vnd wendet den.

Valtrian wasser.

Valtrian wasser das sol man aufzbrennen mit der
wurzeln / das sol man trucken fur das vergiffte / vnd fur die
biß der bösen wirm / so man es dem streicht fur das hertz.
Vnd ist gut fur das vierteglich sieber / fur den wehtagen
ynn der seyten / ob man sich danne schmirer.

Felberblüt wasser.

NB Felberblüt wasser ist gut zu dem gesicht / es wird
auch das har schön dauon / vñ der vnflat auff dem heubt
wird dauon vertrieben.

Hymelbrant blumen wasser.

Hymelbrant blumen wasser ist gar gut / fur alle ges
schwulst ynwendig vnd außwendig / so man es trinckt / der
ein tüchlein

Wassern.

XXI

ein tüchlin darynn genetzt vnd zwifach vber den schaden
gelegt/so die geschwulst außwendig ist/ vnd fur das ver-
giffte ist nichts bessers denn das wasser zutrinken. Auch
wer rinnende augen hat von langer zeit her/ der thue ein
tropffen odder zween ynn die augen etlich tag/es wüd ge-
wislich besser. Es st auch gut fur all gebrechen die vort
flüssen komet / welcherley die sind. Item ynwendig sol
man es trincken/aufzwendig an salben / das ist kalter vnd
truckner natur. Ich Michael Schrick hab es offft bewert.

Freysam wasser.

Freysam wasser ist gut den iungen kindern/so sie die
vnnatürlich hiz vberlaufft vnd sie bekrenckt/den geb man
es zu trincken so vergehet es yhn/auch ist es gut den die da
tempffig sind vmb das hertz vnd vmb die brust/ das luff-
tet vnd hilfft gar wol. Auch ist es gut den iungen vnd als-
ten leuten/die da geschwulst vmb das hertze odder vmb
die brust haben odder an der lungen/das vertreibt es/vnd
ist gut fur alle böse hiz.

Erdtbeer wasser.

Erdtbeer wasser das ist gut/wer vnreynen bösen
schweis hat ynn yhm/vnd ynwendig böse hiz/vnd lescht
et den durst/vnd vertreibt den stein / vnd macht gar gut
blut mit wein getruncken odder sonst gessen. Es ist auch
gut den/die feulung ynn dem munde haben. Auch den die
ein geschwer haben ynn der kelen/den sol man es geben
zu gorgeln ynn den hals das hilfft seer. Auch ist es gut ge-
truncken fur den stinckenden mund. Es ist auch den mens-
schen gut/die vngeredt ligen/so man yhnen das zu niessen
gibt/das hilfft sie gar wol. Das Erdtbeer wasser ist auch
vast gut zu dem heubt vnd zu dem hertzen / denn es kress-
tiget sie wol. Auch ist es vast nüglichen vn gut den frau-
en zu

113

Von allen gebranten

en zu yhrer krankheit. Auch ist es gut widder das abnehmen. Es ist auch dem menschen gut/dem ein bein zerbrochen ist/so heylt es das/vnd wechset widderumb zusamen/Alle bein vnd wunden damit gewaschen die heylet es. Vnd wer etwa ynn dem leib wund were / dem sol man es zutrinken geben.

Meuször wasser.

Meuször wasser ist gut fur das abnehmen getruncken/es weret auch der Vermutter. Item es ist auch gut fur das darngicht / vnd fur den schwindel ynn dem heubt/vnd fur das blutspeihen. Auch ist es gut/fur alle flecken vnter den augen/wenn man sich damit weschet vnd nicht trinckt/so vertreibt es die flecken/vnd ist gut den frawen den die mutter vbersich steygt vnd sie krencket / vnd den grymmen vmb den nabel haben. Vnd tödtet die würm ynn dem bauch von stund an.

Stabwurtz wasser.

Stabwurtz wasser ist gut den iungen kindern fur das hertzgespan/vnd fur das grymmen ynn dem bauch. Es ist auch gut den kindern die die Vermutter haben/vnd auch fur die heubtsucht.

Teschenkraut wasser.

Teschenkraut wasser ist gut getruncken dem der seer zu der nasen ausblutet/vnd ist gut fur die rottē odder weissen rur/Vnd sonderlich den frawen die yhrer sucht zu viel haben / odder sonst auch den bauch fluss/vnd ist gut fur den stein.

Spindelbaum odder pfaffenhödel wasser.

Spindelbaum wasser ist heys vnd trucken/vnd gut zu den eyssen ynn der platern vnd den nieren / vnd zu den heissen.

den heißen geschwären. Vnd vertreibt alle hitz/ vnd ist gut für die geelsucht/ denn es vertreibt die geschwulst durch den brunnen aus ynn einem volbad/ mag man dasselbig wasser nicht haben/ so send es ynn einem wein vnd trincks ynn einem volbad.

Walwurtz wasser.

Walwurtz wasser ist keinem menschen gut zu trincken/ denn es ist giftig. Aber damit geschmirt vertreibt das gicht/ vnd lescht das hellisch sewer/ vnd legt alle geschwulst/ wo man der hat.

Kettich wasser.

Kettich wasser ist gut für den reyssenden stein/ Es tödtet auch die würm ym magen/ vñ benimpt die vnderung/ vnd macht harmen/ vnd treibt den sand. Des gleiches erthut der Kreen.

Merrettich wasser.

Merrettich wasser ist gut für den reyssenden stein/ vñ zu dem stein ynn der blasen. Das wasser gesalzen vnd ein wenig gewermet vnd nüchtern getruncken/ vnd ein klein zeit gehalten/ vnd denn ein feder ynn ein öl getuncket vnd ynn hals gestochen vnd gewürgt/ das fürt die erkalten verlegten feuchtigkeit aus/ vnd die wasserigen gallen/ davon die tertiana vnd quartana febres kómen/ das vertreibt es.

Wild Salbey wasser.

Wild Salbey wasser ist gut vnd nützlich für das hertzstechen von bösem geblüt. Auch ist es gut vnd nützlich dem menschen der gefallen odder geschlagen odder verwundet ist/ das er ynn sich blutet/ vnd das blut das ynn yhm geronnen ist/ das treibt es von dem menschen aus dem leib.

Ⓒ Camillen

NB

NB

Von allen gebranten

Gamillen wasser.

Gamillen wasser ist heis vnd trucken/vnd ist naturs
licher menschlicher complexion/ vnd gut zu aller müde als
ler glieder / vnd sterckt sie / vnd treibt den brunnen / vnd
reyniget das sieber/wenn man den rüch damit salbet. Vnd
der frauen krankheit die reyniget es .

Petersil wasser.

Petersil wasser ist gut für den niern stein/ den bricht
es vnd treibt yhn aus. Es reyniget die lebern / vnd hilfft
gar seer wol denen die nicht geharmen mügen.

Paldrian wasser.

Paldrian wasser ist gut/wenn ein mensch nach dem
bad ein tüchlein darynn netzt vnd vber die augen legt/ das
macht sie liecht vnd klar von der hitz vnd rauch des bads.
Das wasser getruncken/ vnd auff seyggwarzen gelegt/ ver
treibt sie den mannen vnd frauen / vnd getruncken hilfft
es wenn etwas entzwey ist/ odder sonst zerbrochen / das
heylt es/ auch getruncke nüchtern ehe man aus dem haus
gehet/ ist es gut für die Pestilenz.

Bethonien wasser.

Bethonien wasser ist gut für alle feucht des heubts/die
von hitz sind / mit einem tüchlein darümb gebunden/ das
vertreibt die schüß ynn dem heubt. Auch ist es gut getrun
cken für den verhitzen magen vnd lebern / die kült es.
Item es ist gut den frauen die zu der geburt erbeiten/ vnd
saubert yhn auch yhr krankheit. Auch heylet es alle ver
guffte biß tobender thier vnd wütender hund.

Rüthenblüt wasser.

Rüthenblüt wasser mindert der frauen yhr blödigkeit/
die es zu vast haben/ die verfelt es/ vñ krefftiget das hertz.
Gerteln

Wassern. 88III

Gerteln wasser.

Abrauten odder Gerteln wasser ist heys vnd dürr/
vnd ist gut für den athem der von keltten kompt / vnd für
den kalten magen. Es verzert den rotz ynn dem magen
odder ynn dem gedern / aus welchem schleyrn wachsen
die würm ynn dem magen. Auch ist es gut für das vergiffte
vnd bricht den stein / vnd bringt den harm.

Fenchel wasser.

Fenchel wasser ist heys vnd trücfnet gar vast / vnd
ist gut zu den augen / Vnd wenn die Matern von dem lüg
odder nest gehen / so lauffen sie zu dem Fenchel. Auch ist es
gut für die verstopffung des milztes / vnd wenn sich der
bauch bleet den purgiert es / vnd bringt den harm.

Zollerblüt wasser.

Zollerblüt wasser ist heiss vnd trucken vnd sterckt
die lebern / vnd macht das antlitz schön / vnd vertreibt die
masen vnter den augē / das von der hitz der sonnen kompt /
vnd hilfft für das haubt wehe / hinden auff den nacken yn
eyn tüchlein nass gelegt vnd angestrichen / vnd weret der
ausssetzigkeit / vnd neret den magen.

Blaw Korn blumen wasser.

Blaw Korn blumen wasser zerbricht die feel ob den
augen vnd macht das gesicht lauter / vnd rote augen wer
den darvon schön. Item wer von seinen sinnen komē we
re / der neme Wegrich / Abrauten vnd Salbey / vnd gieß
gebranten wein daran / vnd las yhn stehen ein tag vnd ein
nacht / darnach trinck er darvon fünff tag nacheinander / so
kompt der mensch widder zu seinen sinnen.

Mayeran wasser.

Mayeran wasser getruncken sterckt das hyrn / vnd

G ij treibt

AB

Von allen gebranten

treibt den harn vnd der frauen krankheit/ vnd krefftiget die mutter / vnd schleust auff alle böse materi ynn dem leib. Vnd den pffisigen menschen machet es weit vmb die brust/das yhn ringer wird.

Pffiserling wasser.

Pffiserling wasser ist kalt ynn dem dritten grad/ vnd darümb von seiner vbriger keltten wegen ist es nicht zu trincken. Aber auswendig vber zulegen/darümb vertreibt es die hitz. Es ist auch gut für das Podragram / so man ein tüchlin darynn nezet vnd legt es darüber / vnd ist gut zu den gliedern.

Brunnentres wasser.

Brunnentres wasser schreibt Auicenna / sey warmer vnd truckner natur bis ynn den dritten grad. Das getruncken / doch bescheydenlich/denn zu viel getruncken schadet dem magen / das vertreibt vast das gries / vnd das heubt damit genezt/behelt das har das es nicht ausfelt.

Meyen odder vnser frauen distel wasser.

Meyendistel odder Vehandistel wasser stercket odder widderbringt all ynnwendig gebrechen des mensche/ als an der lebern/lungen odder an dem milz / vnd an andern ynnwendigen gebrechen vnd krankheyten. Ist gut auch den kindern für das stechen vnd das gesegnet.

Isopen wasser.

Isopen wasser ist gut den die einen schweren athem haben vnd schwerlich athment. Auch ist es nützlich denen die lungen sich sein/ vnd denen die seer husten vnd nicht auswerffen können/ Es öffnet auch die adern die verstopfft sind ynn dem leib/ Vnd treibt aus bösen gifftigen schweis aus dem leib.

Mauchen

Wassern. 881111

Mauchen wasser.

Mauchen wasser ist gut für die rotten flecken vnter den augen/vnd macht weisse haut. Auch an den schlaff vnd puls gestrichen odder getruncken/macht guten schlaff vñ gute rwe/vnd senffriget das heubt.

Nessel wasser.

Nessel wasser ist gut getruncken für das daringicht/vnd für das grymmen ynn dem bauch / Auch für die Ber Mutter vnd auffsteigenden mütter. Auch treibt es den stein seer/vnd was sucht von kelten sind.

Lübstückel wasser.

Lübstückel wasser ist gut wem das heubt geschwollen ist vñ wehthut/so man es darüber legt mit einem tüch/lin/Auch wer das stechen hat ynn der seyten vnd vmb die brust/das vertreibt es. Auch das anelitz damit gewasschē/das macht es schön vñ lauter von aller rōten/ Es ist auch dem magen gut/vnd für den stein.

Poleyen wasser.

Poleyen wasser ist gut den frawen denen wehe zu den kindern ist/das man yhn das zutrincen geb / Auch ist es gut zu den augen/vnd zu allen wetagen / so man es darüber legt. Auch ist es gut zu den kalten süchten ynn dem heubt oder ynn den oren/darein gethan/das hilfft seer wol

Ringel wasser.

Ringel wasser ist gut zu allen gebrechen der augen/welcherley das sey / von hitz odder von kelten wegen / so leutere vnd klert es die augen/vnd macht sie schön / Auch ist es gut zu allen siechtagen des heubts.

Schelwurtz wasser.

Schelwurtz wasser ist gut den augen/denn es macht sie lauter

NB

8B

Von allen gebranten

sie lauter / vnd nimpt yhn die feel vnd alle rötten der augen / vnd auch der glider / Es ist auch gut getruncken für die Vermutter.

Eysenkraut wasser

Eysenkraut wasser ist gut für alle tuncfelheit vnd geschwer der augen vnd des gesichts / das stercket es / vnd bringe widder den schein vnd glantz / vnd senffiget den wetagen des heubts vnd auch der brust / vnd öffnet die lungen / Auch vertreibt es alle giffte von den menschen / vnd tödtet die würm.

Salbey wasser.

Salbey wasser ist gut wer ein böse lebern hat / vnd dem sie faulet / das sol man trincken / Auch ist es gut dem die rede erlegen ist / vnd den es die zungen getroffen hat / odder die glider erlamet odder erkrummet sind / den hilfft es / vnd ist gut für das zittern der glider / damit geschmirt.

Wermut wasser.

Wermut wasser ist heys vnd trucken / vnd ist gut den / die ein kalten bösen magen haben / den wermet es vnd macht das er die speys behelt vnd verdewet / vnd macht guten athem. Es ist auch gut für die würm ynn dem magen vnd ynn dem bauch / Auch vertreibt es alle böse feuchtigkeit aus dem leib / vnd vertreibt das gicht ynn der hüfte / vnd ist auch gut für die heschiz / vnd macht den keusch der es offte trinckt / Vnd mehr vertreibt es auch das wasser vñ das sausen des heubts / vnd vertreibt die wüning der zeen.

Grensig wasser.

Grensig wasser ist gut den / die siech sind ynn dem rücken grad / vnd viel wetagen daryn haben / vnd auch für alle würm ynn dem bauch. Auch ist es vast nützlich vnd gut für das darngicht. Seyden

Seyden wasser.

Seyden wasser das ym dem flachs wachset/ist gut zu aller sucht der lebern / vnd die lungen reyniget es vnd sterckt sie/vnd treibt die bösen feuchtigkeit odder tempffe von dem leibe / vnd vertreibt auch die wassersucht vnd die geelsucht/vnd treibt den harnstein krefftiglichen aus. Vnd ist gut für den grynnen ym dem leib / auch kleret es das angesicht/Vnd ist gut den frawen den die mutter erkalt ist/vñ yhr krankheit nicht zu rechter zeit haben. Auch ist es nützlich vnd gut/den die vmb den nabel geschwollen sind/vñ macht wolharmen/vnd ist gut dem der den stein hat

NB

Künlein kraut flacke auff der erden vnd schmeckt als der wolgemut.

Künlein kraut wasser ist heys ein wenig / vnd ist gut wenn sich einer klembt odder ein gelid zerknirscht/darüber gelegt vnd getruncken / vnd ist das beste zu der kalten lebern ym der wassersucht/es heylet das gederm ynwendig nach dem eyter. Item es weicht den harten magen / vnd ist gar gut für das teglich fieber / wenn mans mischt mit Wermut wasser / Das hab ich Michael Schrick offft beswert/vnd ist armer leut ertzney.

Lychenlaub wasser.

Lychenlaub wasser ist gut dem der rot vnd blaterz maset vnter den augen ist/damit gewaschen machet weisse haut/vnd vertreibt die rur ym dem bauch.

Lppich wasser.

Lppich odder Lphey wasser ist gut denen die den stein haben/den treibt es aus vnd reyniget die derm vnd die blasen/vnd ist den frawen nicht gut/denn es vertreibt yhn

Von allen gebranten

yhn die geburt gern/ vnd verfür den samen/ vnd thut schaden den frauen.

Rüfot wasser.

Rüfot wasser ist gut auff die heissen geschwulst odder der geschwer die kület vnd zeitiget es. Item es ist auch gut für sanct Anthonius plag/die leschet es.

Schwammen wasser.

Schwammen wasser ist gut für die roten flecken vnter den augen.

Müntzen wasser.

Müntzen wasser ist heis vnd trucken gleich / vnd ist den gut die böse lebern odder lunggen haben/ vnd vast tempfig vmb das hertze sind/ auch ist es gut den die nicht gesewen mügen/ vnd die darmsichtig sind.

Rosenöl.

Rosenöl mach also/ Nim zwey pfund Baumöl / vnd leg darein ein halb pfund Rosenbletter/ vnd thu es ynn ein glas vnd verstopffs wol / vnd setze es an die sonnen des tags/ vnd seyhe es denn durch ein tüchlein vnd thu es wider ynn ein glas/ vnd thu frisch Rosen darunter/ das öl sol man also behalten.

Creutzwurtz wasser.

Creutzwurtz wasser ist gut wenn die leber entzündet ist/ von vnartlicher hitz/ dem sol man es zutrucken geben. Es ist auch gut für alles gesegnets ynn dem leib/ vnd ist gut das man die würm damit verreibt.

Pfefferkraut wasser.

118
Pfefferkraut wasser ist gut getruncken den frauen/ wenn yhn die mutter ynn dem leib vnreyn ist odder wehe thut / vnd besonder reyniget es yhnen die mutter / wenn man ein

Wassern.

XXVI

man ein Schweysbad macht vnd das kraut darynn seud/
vnd dem nit dem leib auff das kraut sitzet / so heys man
es erleyden mag.

Lauendel wasser.

Lauendel wasser ist gut/den die lam sind ynn den
glidern / das sie die glider stertig damit waschen/Vnd sol
dem die glider ichts widderbringē/so thut es das Lauens
del wasser. NB

Zickel wasser.

Zickel wasser ist gut allen denen die geschwollen sind/so
man yhnen das zutrincken gibt/vnd die geschwulst damit
bestreicht.

Bilsen wasser.

Bilsen wasser ist allen denen nutz vnd gut/die nicht
natürlich rhw haben/ynwendig odder außwendig yhres
leibs / So man yhnen es auff das heubt odder auff den
schlaff legt/so gewynnen sie natürlich gut rhw / vnd müs
gen auch dem darnach wol schlaffen.

Gensdistel wasser.

Gensdistel wasser ist den menschen gut/die da ynn/
wendig voller hiz sein / so sie das trincken vnd sich damit
schmiren/ das hilffe sie gar wol.

Bynsaugen wasser.

Bynsaugen wasser ist gut für die geelsucht/frawen
vnd mamen/so man es yhn zutrincken gibt.

Bonenblüt wasser.

Bonenblüt wasser ist gut für die blatern oder schmerz
gen ynn den augen/so man das dareyn thut so heylt es.
Item es lest auch kein feel darüber wachsen. Auch ist es
gut für die flecken oder sprencklein vnter den augē/ so man
sich damit schmirt. NB

h

Kramatbeer

Von allen gebranten

Kramatbeer odder Wachalter beer.

N Sie ist zu mercken die tugent der Kramatbeer / nach laut vnd sage meyster Alberti des Heyden / die man hat besweret vnd versucht zu Florentz ynn der Stad.

Item zu dem ersten / so nim die Kramatbeer zu der zeit vnser lieben frawen verschieding / wie viel du wilt / vñ thue die ynn einen newen topff / geus dran den besten wein so du yhm gehalten magst / vnd setz das zu dem feuer vnd las es wol erwallen / feyn es reyn vnd sauber / wenn das geschehen ist / so geus den wein ab den beeren ynn ein reynes glas / vnd behalt das schön bedeckt.

Darnach nim des selben weins aus dem vass / da der erst wein ausgelassen wordē ist / vnd geus den selben wein auff die gesotten Kramatbeer / vnd thu yhm recht als vor der erste wein gesotten ist / vnd geus ynn ab / ynn ein besundes glas als du dem ersten gethan hast.

Darnach so trinck des ersten gesotten weins früe / des andern gesotten weins trinck des abents so du wilt schlaffen gehen.

Item der obgeschriben tranck ist gut für alle wehtagen des herbts / vñ für alle krankheit die das hertz leidet / auch für all gebrechen des magens / vnd für alle gifft.

Item für allen ynwendigen gebrechen der dem menschen vnwissent ist.

Item für den hinfallenden siechtage / vñ das ist war.

Item für das Paralisis / das ist der schlag / vnd für die tobsucht des leibs / für alle apostemata / die als denn den menschen des selbigen tages / nicht beleydigē mögen noch geschaden können.

Item

Item für alles wüten odder quelen von welcherley
Franchheit des heubts das sey.

Item für alle flüß des heubts/wie sie sich zusfügen.

Item für allen gebrechen des rüßens/ der lenden vñ
der zeen.

Item für schmecken vnd stincken des athems von
dem mund.

Item für das stechen des leibs/vnd den tampff des
leibs vertreibt es ynwendig / vnd macht ein guten ringen
athem.

Ein kurtze vnterricht / wie man

das geblüt/nach dem ader lassen/indi/
ciren vnd die franchheit des men/
schen daraus lernen sol.

Ist das blut dick vnd schawmig/also das oben weiß
ser gescht darauff schwimbt / zeigt an das der mensch
vmb die brust vol schleyms vnd böser feuchtigkeit ist / das
von denn entsethet husten / keychen vnd viel andere gez
brechen mehr/auch der lungen / vnd sonderlich so der selz
big mensch mit Franzosen beladen / odder sonst darzu gez
neigt ist.

Ist aber das blut blawlechtig etlicher mafs braun/
odder graw gestalt/ist ein gewis zeichen das das miltz vol
Melancoley vnd schwermütigs geblüts steckt / vnd bes
deut auch das drücken odder stechen ym der lincken seyts
ten. Vnd wo solch geblüt nicht purgirt vnd gereyniget
wird/ist zubesorgen das der mensch möcht außserzig wers
den/odder mit Franzosen/reuden/krezen vnd andern der

D ij gleichen

Von andern guten

gleichen krankheiten vberfallen.

Wenn das blut rotgeel vnd sahl ist / bedeut schmerzen einer krankten lebern/die nicht gut blut machet.

Das blut das mitten rot ist/vnd außwendig rûm ym kreys odder zirkel schwarz/gibt zuuersehen/ das die leber seer schwach sey/vnd mus sich der mensch besorgen vor der krankheit pleuresis/ist ein apostema ym der rechten seiten.

Blut/das oben rot ist/vnden schwarz vnd zusammen gerunnen/dabey kein wasser odder feuchtigkeit stehet/be deut das paralisis vnd podagra.

Wenn das blut mitten ym becke ist zuhauffen gerunnen/vnd schwimbt oben wasser drauff /vnd hat auch vnden ym grunde wasser / zeigt an das der mensch wassersüchtig sey/odder werd es bald werden.

Wenn die adern auffbricht.

So einem ein ader auffbricht/ists am arm/richt den arm auff ym die höhe/vnd halt das lochlein mit ein finger zu /so lang das dir der Balbirer odder sonst yemants die ader sauberlich widder zubinde.

Fur die geschwulst der ader /so ein Balbirer durch /odder sonst zu hart geschlagen hat.

Vin papeln salben/heyst zu latein vngentum populionis/vnd auch vngentum Dialtee/sindestu ym der apotheken/yglichs gleich viel/meng es durch einander / schmir damit die geschwulst fein sauberlich etlich mal bey dem feur / Es hilfft gewislich.

Fur die Pestilentz bewerte stücke.

Wer fur der Pestilentz wil behütet sein / der neme
Tiriack

N

Triack ein lot / krause münze gestossen zwey quentlin /
campffer ein quentlin / guten gebranten wein der von wein
hefen gemacht sey / daraus mach ein Electuarium / vnd
yffe des alle morgē wenn du auff stehest nüchtern ein halb
haselnus gros / so wird dir die vergiffte lufft nicht schaden.

So aber yemants bereyt mit der Pestilenz behafftet
wer / also / das er die febres pestilentialis fület / Der sol ey-
lents lassen ein adern schlagen / neme darnach ein quentlin
des Electuarij / lege sich nyder / decke sich warm zu / das er
wol schwitze / ist yhm als denn ein apostema auffgefahren /
so nym weize mehl / hönig vnd ein wenig baumöl / mach
ein teyglin daraus vnd lege es yhm auff / odder nym die
gipfluchē von papeln / kochs yn geymilch / seyhe es durch /
zustos odder zudrück die papeln vnd legs also warm pfla-
sters weis auff / das thu alle tage zweymal / so wird das
apostema auffbrechen.

Wenn einem ein schwarze blatter ist auffgefahren /
der neme weisse lilgen / lege die ynn baumöl / darnach thue
er die bletter widder heraus vnd lege sie auff die schwar-
zen blatter alle tag zwey mal / so lang das sie aus falle /
auff welche du darnach pflaster von gelben zuck legen
solst / bis das sie widder zuheylt / Doch also / das man dem
francken ein tranck zurichte / wie folget. Nim rosen / vey-
eln / weisse seeblümichen / heissen ynn der apotecken nenu-
phar / vnser frauen kirtze blümichen / saurampffer / yglichs
ein handvol / porragen blümlein / ochssenzungen blümlein
zwo handvol / hynleufften ein halb handvol / koch es ynn
ein reynen wasser / das der dritte teil einkochet / magst wol
zucker daran thun das es süß werd / Davon sol er trincken
abent vnd morgens so lang das er gesund wird. Das

D iij Stück ist

Register.

stück ist zu Wittemberg im xxvij. iar/ da die Pestilenz
regiret/ von ein erfarnen Medico/ an dreyhundert
personen wol beweist vnd probirt.



Register des büchleins.

A		S	
Abschlag wasser.	20	Selber blüt wasser.	20
Augentrost wasser.	20	Seltelten wasser.	17
B		Fenchel wasser	23
Baldrian wasser	22	Freysam wasser	21
Beyfus wasser.	20	G	
Berthonien wasser	22	Gamillen wasser	22
Bilsen wasser.	26	Gelb vetel wasser.	18
Binsaugen wasser.	26	Gens distel wasser.	26
Blaw lilien wasser.	17	Gerteln wasser.	23
Blaw Korn blumen wasser	23	Grensig wasser	24
Bonen blüt wasser.	26	H	
Brauneln wasser.	19	Hagendörner rosen wasser.	16
Brunnen kres wasser	23	Hauswurz wasser	19
C		Hirschzungen wasser	19
Camillen wasser.	22	Hollerblüt wasser.	23
Centaur wasser	19	Hymelbrant blumen wasser	20
Creutzwurz wasser.	25	I	
Cickel wasser.	25	Isopen wasser	23
E		K	
Eysenkraut wasser.	24	Kornblumen wasser	23
Eppich wasser.	25	Kükot wasser.	25
Ephew wasser.	25	Känlin kraut wasser	25
Erdbeer wasser.	21	Kätten blüt wasser.	22
Erdtrauch wasser.	19	L	
Eufrasia wasser	20	Lauendel wasser.	25
Eyhenlaub wasser	25	Lindenblüt wasser	18

Lübstückel

Lübsickel wasser	24	nen.	16
M		Rot pucken wasser	20
Mauchen wasser.	23	S	
Mayeron wasser	23	Salbey wasser	24
Merrettich wasser.	22	Saurampffer wasser	19
Meusör wasser.	21	Seeblumen wasser.	18
Meyen blumen wasser	17	Seyden wasser.	24
Meyen distel wasser.	23	Schwammen wasser	25
Münzen wasser.	25	Schelwurtz wasser.	24
N		Schnelblumen wasser	16
Nachtschatten wasser.	19	Spartig wasser	20
Nessel wasser.	24	Specklilten wasser	17
O		Spindelbaum wasser.	21
Ochsenzungen wasser.	18	Stabwurtz wasser.	21
P		Steimbrech wasser.	19
Paldrian wasser.	22	T	
Pappeln wasser	20	Teschen Kraut wasser	21
Petersil wasser	22	Tillen wasser.	20
Pfaffen hödel wasser.	21	V	
Pfeffer kraut wasser	25	Valerian wasser.	20
Pfifferling wasser.	23	Veyel wasser.	17
Plawkorn blumen wasser	23	Veld lilten wasser	17
Plaw lilien wasser	17	Vendhel wasser.	23
Poleyen wasser	24	Vnser frawen distel wasser.	25
Porragen wasser	18	W	
Prunkres wasser.	23	Walwurtz wasser.	22
R		Wachalter wasser.	26
Retrich wasser	22	Wegrass wasser	19
Ringel wasser	24	Wegerich wasser	18
Rittersporn wasser	18	Weis lilien wasser	17
Rosen wasser.	16	Wermut wasser	42
Rosen wasser von hagendör		Wild Salbey wasser.	22

Gedrückt zu Wittemberg durch
Georgen Khaw.

1 5 2 9.

1772

Handwritten text, mostly illegible due to fading and bleed-through from the reverse side of the page.

Gelehrter V. ...
Gelehrter V. ...
1772

